



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Secundus. Oratio mentalis ad omnes mysticos status, & modos  
sese extendit, ad acquirendam & continendam praesentiam Dei.

**urn:nbn:de:hbz:466:1-9766**

Oratio vero mentalis est, quæ solo interiori actu mentis perficitur, non tam ad aliquid à Deo petendum; quam ad actualem coniunctionem amoris, creaturæ ad Creatorem excitandum. Et talis [oratio est *a* ascensus mentis in Deum.] vel est [ascensio *b* animæ de terrestribus ad cœlestia: inquisitio supernorum, inuisibilium desiderium.] vel [est *c* conuersio mentis in Deum, per pium & humilem affectum.] [vel est hominis *d* Deo adhaerentis affectio, & familiaris quædam, & pia allocutio] vel tandem [est coniunctio, *e* & vnio hominis, & Dei:]

Orationis porrò mentalis genus est triplex. Primò, religionis infusa, seu fidei per tres virtutes Theologicas, scilicet fidem, spem & charitatem. Secundò, per dona habitualia intellectus, & sapientiae, modo supernaturali, id est, absque imaginationis vnu, & discursu, secundum simplicem, & Angelis conformem intelligentiam. Tertiò, per gratias gratis datas, eminentiori modo, quam per dona habitus, in actu transente duntaxat, pro ut sit in speciebus infusionis, aut præuijs voluntatis commotionibus. In primo genere exercentur incipientes & proficientes, dum in interiori homine purgantur, & illuminantur; in secundo genere perficiuntur perfecti; in tertio autem singulari bus favoribus Spiritus sancti dignantur *h* sancti Viatores, quibus etiam do-

na, & gratiæ sanitatum, prophetiæ, ac miraculorum, conceduntur.

Ad orationem insuper mentalem, seu contemplationem tria requiruntur, primò, vt sensualitas sit munda. Secundò, vt non obumbretur caligine phantasmatum. Tertiò, vt voluntas per charitatem, & devotionem, sit ordinata in Deum.] de quibus per singula ordinatè ad praxin, in proprijs locis, tota hac summa tractatur. Interea vero ad viriusque orationis scilicet vocalis, & mentalis durationem, quod attinet [oratio & quantum pertinet ad eius causam, quæ est quoddam charitatis desiderium, perpetua esse debet. quantum vero attinet ad propriam eius rationem, tamdiu durare debet, quamdiu sine tædio, seruori interni desiderij excitando, seruit.] Quam ampla vero sit oratio mentalis, iam consequenter dicendum est.

*Oratio mentalis ad omnes mysticos statutus, & modos se se extendit ad acquisitionem & continuandam presentiam Dei.*

#### ARTICVLVS SECUNDVS.

I Am vero haec omnia genera, status, & modos ad orationis mentalis gremium spectare, in eoque ceu varias species sub genere comprehendit; non tantum ex eo constat, quod hi status veram Dei vocationem, & totam hominis

B 3 vitam,

*a S. Damas. l. 3. de fid. c. 24. b S. August. serm. 230. de temp. c lib. de spir. & anim. c. 50.  
d S. Bern. ep. ad fr. de mont. e Iohann. Abb. apud Harph. ubi sup. f Haec tota 1. part. g 2. par. tota.  
h 2. p. dec. 9. i S. Thom. in 3. cap. de diuin. nom. k S. Thom. 2. 2. q. 83. a. 14. c. 1 hic a. 3.*

vitam, & animum infra statum expetant; sed etiam quod in suis exercitijs roties, quoties internum aliquem conceptum formant, exprimuntque, verbum mentis pronuntient, non qualecunque, sed spirans diuinum amorem, & quamdiu hoc ipsum continuant, mentaliter, non vanè, sed mysticè loquantur: cum ita mentaliter loqui, aliud non sit, quam mente aliquem conceptum, aut internam locutionem, in se ipso in ordine ad Deum amandum exprimere.

Quum autem [ diuersæ sint actiones a intellectus, scilicet cogitatio, consideratio, meditatio, speculatio, auditio, lectio, locutio, visio, seu contemplatio; ] hoc ipsum quoque per omnium harum actionum operationes, diuersum mentaliter loquendi modum constituer. Et hinc meditatio per discursum, & rationem diuinum pulchrum querit, & inuestigat, ac voluntate amat; Aspiratio autem sufficienter cognitione instructa, celerius, & moræ impatiens (iuxta amoris imperium) cito ad Deum amplexandum, & souendum fertur; Contemplans autem sicut per intellectum firmiori aspectu, ipsum pulchrum intuetur, ita ipsum bonum intimius amplexatur, & stringit. atque ita [ratio b per discursum peruenit ad cognoscendum illud, quod intellectus sine discursu cognoscit,] ac consequenter ad orationis mentalis ordinem pertinent, non tantum status modi operandi supernaturaliter c, scilicet simpli-

ci intelligentia; sed etiam omnes status modi operandi naturaliter d, scilicet cum rationis discursu, & phantasie vnu: in his enim omnibus, & singulis Dei præsentia acquiritur, perficitur, & continuatur; licet in uno perfectius, quam in altero, pro ut scilicet in amore diuino, sit amplior progressus. Ne autem aliquis temere se ingerat exercitijs mysticis, consequenter dicimus.

*Statum mysticum, seu Exercitium orationis mentalis veram Dei vocationem, totam hominis vitam, & infractum animum expetere.*

### ARTICVLVS TERTIVS.

[ V ocatio illa, quæ dicit e auxiliū Dei mouentis interius, & excitantis mentem ad deserendum peccatum:] fundamentum duntaxat est ad vitam mysticam superædificandam. Et idē alia adhuc vocatio requiritur, in qua videl. Deum mentaliter possit contemplari, cum interno spirituali gustu, & complacentia de diuina bonitate. ad hanc autem cōtemplationem peragendam, nō requiritur hoc loco, vt id ipsum præstantiori, & supernaturali modo fiat, ad illum enim magis singularem gratiam requiri, dictum est infra f, sed sufficit ut aliquo modo secundūm status incipientium vel proficientium: iuxta ordinatum progressum meditationis, aspirationis, vel contemplationis, affirmatiui, vel negatiui modi, sese exerceat;

Deo

a S. Thom. 2.2.q.188.a.3.c. b Opusc. de Intell. & intellig. c ut habetur tota 2. parte. d ut habetur tota hac 1. parte. e S. Thom. 1.2.q.113.a 1.ad 3. f 2.par. Dec. 1. ar. 3.